



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

Ո Ր Ո Շ ՈՒ Մ

25 սեպտեմբերի 2020 թվականի N362 - Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՈՒՄ  
ՀՐԱՄԱՆԱՏԱՐԱՇՏԱԲԱՅԻՆ ՈՒՍՈՒՄՆԱՎԱՐԺՈՒԹՅԱՆ  
ՆԱԽԱՊԱՏՐԱՍՄԱՆ ԵՎ ԱՆՑԿԱՑՄԱՆ ՄԱՍԻՆ

Ղեկավարվելով «Արտակարգ իրավիճակներում բնակչության պաշտպանության մասին» Հայաստանի Հանրապետության օրենքի 15-րդ հոդվածի բ) կետով, ի կատարումն Հայաստանի Հանրապետության Տավուշի մարզպետի 2020 թվականի հունվարի 9-ի «Հայաստանի Հանրապետության Տավուշի մարզի բնակչության պաշտպանության համակարգի նախապատրաստման 2020 թվականի հիմնական միջոցառումների պլանը հաստատելու մասին» թիվ 1-Ա որոշման՝

որոշում եմ.


1. Իմ ղեկավարությամբ ՀՀ Տավուշի մարզում 2020 թվականի հոկտեմբերի 29-ին անցկացնել հրամանատարաշտաբային ուսումնավարժություն (այսուհետ՝ ուսումնավարժություն) «Բնակչության պաշտպանության միջոցառումների իրականացումը Հովք բնակավայրում սողանքի ակտիվացման դեպքում» թեմայով:
2. Հաստատել.
  - 1) ուսումնավարժության ղեկավարման շտաբի կազմը համաձայն հավելված 1-ի,
  - 2) ուսումնավարժության նախապատրաստման օրացուցային պլանը համաձայն հավելված 2-ի:
3. Ուսումնավարժությունում ներգրավել.
  - 1) ՀՀ Տավուշի մարզի արտակարգ իրավիճակներում գործող հանձնաժողովին,
  - 2) ՀՀ Տավուշի մարզային տարահանման հանձնաժողովին,
  - 3) ՀՀ Տավուշի մարզպետարանի վարչություններին,
  - 4) Իջևանի, Դիլիջանի համայնքների ղեկավարներին, Հովք բնակավայրի վարչական ղեկավարին,
  - 5) ՀՀ արտակարգ իրավիճակների նախարարության փրկարար ծառայության Տավուշի մարզային փրկարարական վարչությանը (այսուհետ ՀՀ ԱԻՆ ՓԾ Տավուշի ՄՓՎ),
  - 6) ՀՀ ոստիկանության Տավուշի մարզային վարչությանը,
  - 7) «Հիդրոոդերևութաբանության և մթնոլորտային երևույթների վրա ակտիվ ներգործության ծառայություն» ՊՈԱԿ-ի Իջևանի օդերևութաբանական կայանին,

- 8) «Գազպրոմ Արմենիա» ՓԲԸ Տավուշի գազիֆիկացման և գազամատակարարման մասնաճյուղին,
  - 9) «ՀԷՑ» ՓԲԸ «Աղստև» մասնաճյուղին,
  - 10) «ՎԵՈՆ ԱՐՄԵՆԻԱ» ՓԲԸ հյուսիս բաժին «Իջևան»-ի մասնաճյուղին,
  - 11) «Սեյսմիկ պաշտպանության արևելյան ծառայություն» ՊՈԱԿ-ի ներկայացուցիչներին,
  - 12) «Լևոն-2» ՍՊԸ ՃՇՇ-ին:
4. Ուսումնավարժության ղեկավարման շտաբի պետ, փրկարարական ծառայության գնդապետ Վ. Փիրումյանին.
- 1) ապահովել անցկացման փաստաթղթերի ժամանակին մշակումը և մինչև 2020թ. սեպտեմբերի 29-ը ներկայացնել իմ հաստատմանը,
  - 2) կազմակերպել ուսումնավարժության մասնակիցների նախապատրաստումը՝ համաձայն հաստատված օրացուցային պլանի,
  - 3) ապահովել համագործակցությունը ուսումնավարժությանը ներգրավված մասնակիցների միջև,
  - 4) ճշգրտել փոխգործողությունների պլանները,
  - 5) ուսումնավարժության անցկացմանը պատրաստ լինելու մասին զեկուցել մինչև 2020 թվականի հոկտեմբերի 26-ը:
5. Ուսումնավարժության մասնակիցներին.
- 1) ուսումնասիրել «Արտակարգ իրավիճակներում բնակչության պաշտպանության մասին» ՀՀ օրենքը, «Արտակարգ իրավիճակներում ՀՀ Տավուշի մարզի բնակչության պաշտպանության պլանը»-ը,
  - 2) պատրաստ վիճակի բերել ուժերն ու միջոցները, համալրել ստորաբաժանումները հաշվեցուցակային գույքով,
  - 3) ուսումնավարժության նախապատրաստման հարցերով համագործակցել ուսումնավարժության ղեկավարման շտաբի հետ,
  - 4) պատրաստ լինել զեկուցելու ուսումնավարժության ընթացքում կատարած միջոցառումների մասին,
  - 5) գործնական միջոցառումներ իրականացնելիս խստագույնս պահպանել անվտանգության կանոնները:
6. Սույն որոշման կատարման հսկողությունը վերապահում եմ ինձ:

ՄԱՐԶՊԵՏ

Հ.ԶՈՐԱՆՅԱՆ

25.09.2020

X 

Բ. Իջևան  
25 սեպտեմբերի 2020թ.